

四庫全書

史部

欽定四庫全書

史部

欽定南巡盛典卷五十

詳校官編修臣繆晉

欽定四庫全書

欽定南巡盛典卷五十目錄

河防

十六

欽定四庫全書

欽定南巡盛典卷五十

河防

乾隆四十八年九月初九日山東巡撫明興奏言
竊照濟寧以南運河兩岸堤工先經

奏明興修運河廳所屬之在城閘以下第一第二分
洩河廳所屬之珠梅閘以下第一第二分嶧汛閘
內之第二十分已將次竣工所有稍高涸出之處

可以施工者應酌量地勢即行趕修方不致冬令

擁擠

臣

先經飭令運河道沈啟震率同兩廳按照

情形逐一親履查勘據該道具報運河廳境接連

先修一二分之第三四五六七分及二十八九分

洳河廳境接連先修一二分之第三四五分共工

十段均已涸出高水面三四五尺不等可以先行

動工已催令工員募夫集料於八月初八日開工

臣

查涸出地段既已陸續興工所有應用土石椿

料俱應早為備貯以資臨時應用臣已飭工員趕

緊運送貯工不致稍有遲悞其餘地段如一有可

以施工者即應隨時趕辦臣現在出閘日內即親

往濟寧一帶查勘督催仍于揭曉前趕回入閘會

同填榜亦可無悞至微山湖水截至本月十二日

計深一丈三尺九寸昭陽湖計深四尺七寸南陽

湖計深三尺六寸獨山湖計深四尺六寸近日各

湖消水甚為迅速所有間段深水之處將來自可

全行涸出一律動工尅期完竣以仰副

皇上厪念要工至意奏入報

聞

乾隆四十八年十月初七日河道總督蘭第錫奏
言竊查運河濟寧以南應修堤岸工程綿長數百
里荷蒙

皇上大發帑金五十萬兩次第興修係

臣職任專責臣

因防汛在豫雖節次檄催究不克親身督辦茲據

運河道沈啟震稟稱原派工程四十九分除四月
至八月先已動工修葺之十五分外其餘三十四
分時逾白露堤岸均已涸露俱可一律趕辦酌定
于二十二日普律動工臣查大工一時齊舉臣急
須親往率同查辦現在黃河兩岸舊工接添搶辦
之處臣逐一查勘一律穩固連日水勢長落不過
數寸蘭陽以下新工三處分溜漸次平緩埽工不
復報墊其正河溜形愈覺迅駛至寧陵商邱一帶

堤根澄淤更厚大溜由中泓直達河尾奔騰東注
形勢至為暢順

臣與撫

臣面為商酌就近督率該

道廳營縣照舊巡防可冀永慶安瀾現在秋分已

過

臣

即於二十七日由山東曹單黃河下游一帶順查

工程即由碭山一路取道馳赴山東臺莊八閘沂

沭而上率同該道廳按段稽查以臻妥速其續涸

工段內節據該道稟稱逐細確估尚可撙節銀數

萬兩容

臣

與撫

臣

明興核定另行奏請

聖訓再南糧回空船隻已進臨清口者截至八月二十
日之宿州二幫止共有四十八幫已過濟寧者截
至二十二日之淮安頭幫止共有三十幫已出東
境者截至十六日之常州白糧幫止共有五十幫
其未進臨清口之船祇有二十八幫較上年此時
重運尾幫尚未出口實為非常迅速本年輪屆大
挑攸關緊要將來南旺煞壩之日期自可趕早無
悞奏入報

聞

乾隆四十八年十月十五日河道總督蘭第錫山東巡撫明興奏言竊查運河濟寧以南應修堤岸工程本年三月間大學士公阿桂與前河

臣

何裕

城會同撫

臣

明興督率運河道沈啟震等逐加探

估運淤二廳境共堤工五萬三千二十餘丈民埝五萬五千八百餘丈內除未經漫水及雖漫而不致坍塌之堤埝無庸估計祇責令額夫平墊外至

堤埧出水卑薄者量估高寬按照彼時水痕以出水四尺為度維時淹沒之堤埧尚有二萬九千餘丈水深一二尺至四五尺不等約計至秋令動工時可以消水三尺其餘未必盡能涸露因於排樁碎石工段之外酌量增添其堤根積水之處添估碎石坦坡并將各缺口水深處所廂填樁埽至韓莊大石工并上下間座橋壩涵洞裏頭等工分別估修其坍塌過甚者則估計拆修移建復于大石工

外估築臨湖園壩以便興築統計各項工程共需銀六十四萬九千七百七十餘兩擬將已露之三大段先行動工餘於秋令普律興辦但各工係就彼時水勢約畧估計而水底探量究不能甚準應俟秋令動工時逐一再查如尚有可減之工即歸節省如有闕蓄洩必須增改之處另行具奏仰邀俞允_臣蘭第錫于抵任後會同催辦已將先修之三大段趕辦完工其餘各段亦即于八月初八日及二

十二日次第普律動工均經奏蒙

聖鑒查濟寧以南各湖漫水俱匯注于微山一湖上年七月盛漲時深至二丈五尺六寸自豫工堵合以後四月間尚深一丈八尺餘寸詢查乾隆二十二年間江南孫家集漫口漲水入運消落甚遲且每年伏秋必有汎水長發是以前于估工時就彼時湖水情形約計自春徂秋消長相抵祇可消水三尺因即照此逐加估計今荷

聖主洪福本年伏秋間消水甚速而去路更復大暢現在微湖水深一丈二尺八寸計自估工至今又消水五尺餘寸各處堤埵除水口深塘之外已盡行涸露所有土石工程均得乘時趕辦按日計工定于明春一律全完凡工次人員以及沿河居民並赴工力作人等無不鼓舞歡欣喜出望外因查兩岸堤埵此時普律顯露既可一目瞭然即大石閘壩等工其水中根脚亦正可探量確切臣等先經

疊飭運河道等將應改應減之處逐細確查務歸切實臣等于往來查工之時復率同覆勘如原估排椿碎石工內已經堤根涸露即減去椿石改為土工其水勢雖退而地形窪下處所則減去排椿祇留碎石坦坡以資攔護至大石工內查明底石已未損各層數及該工應築之臨湖園壩一併量為節減其拆修各閘座內亦有因根脚尚堅改估補修之處此外有稍為請添者亦就水落情形酌量修

做並經

臣

蘭第錫

奏明將魚臺汛東岸十八水口歲修工程歸入估辦其餘悉照原估辦理通共復估土石各工實需銀五十五萬六千八十兩零比較原估之數除增減相抵外計共節省銀九萬三千六百八十九兩零臣等現照此次估定工程飭知承修各員各就所分定段落乘時趕辦以期來春妥速完竣除俟工竣後將修辦各工銀數照例確核造冊具

題奏入報

聞

乾隆四十八年十月二十三日河東河道總督蘭

第錫奏言竊

臣

據運河道沈啟震稟稱上河廳屬

板閘外汶衛交會之處向建挑水雞嘴草壩一道

以挑溜勢俾免渾流倒灌淤墊口門本年河勢變

遷該壩未能得力應請酌量加修以資抵禦並該

廳屬東昌迤北之永通戴灣磚板等閘歷年久遠

閘牆閘底多有損壞應即分別拆修補修昨漕臣

毓奇過濟時亦諄諄以板閘外應將挑壩籌商以

免停淤囑臣勘明酌辦今臣率同明幹廳員逐一

詳加察看查臨清板閘以下汶衛合流自乾隆二

十八年上游直省堵築沙莊大壩漳河別無分減

全入衛河每當汛漲挾帶泥沙奔騰湍激閘內汶

水不足相抵凡遇啟板渾水即借勢倒灌是以磚閘

至板閘兩旁二里之內歷年挑出沙土高阜成山

夏間重運行走時有水中撈濬之事從前乾隆二十五年於板閘下順崖建做挑水壩順流外挑助汶敵衛歷年廂修以免直灌口門之患今查板閘外衛河已向西北坐灣並不直注閘口自閘口至衛河河崖新長淤灘六十餘丈灘高水面四五尺不等汶水出閘六十丈外方與衛河合流現在形勢尚順惟淤灘頗厚衛河河底亦漸淤高汶水不克建瓴冲刷所有雞嘴壩工未能挑溜得力祇借

以護崖保閘惟應照常酌量加高以備盛漲臣與
熟諳河員及老民土兵詢謀商酌實無一勞永逸
可免倒漾停淤之法擬俟明春挑工完竣閘河鋪
水後酌于口門外汶水將會衛水之處在汶河兩
崖對築箱口草壩中留三丈金門隨時酌量安置
挨牌既不使衛水散漫倒漾而汶水借資箱束下
注有力可以攻衛刷沙即板閘啟板之時閘內水
勢亦可無虞過洩如此的酌辦需費無多如果辦有

成效再為加廂高厚來年恭逢

皇上南巡經由該處容

臣

另行繪圖貼說恭請

聖駕閱視

指示機宜敬謹遵照辦理再查磚板二間為汶衛門戶

當衛水發時須多下板蓄汶俟衛力緩後啟放今

磚間下截數層及板間間面間耳多有殘損

臣

委

員確切估計逐一修補所費亦屬無幾歸于明年

歲修造報至板塊向係按年抽換三年一週今即

令全行更換新板俾無漏縫仍俟三年後方許照
舊抽換至永通戴灣兩閘建自前明嗣經拆修迄
今已歷四五十載或閘牆坍塌或閘底蟄裂均應
拆修而現當濟寧迤南衆工畢舉各處大挑工程
亦較往年為多不便同時興修且開春挑工竣事即
須鋪水以待新漕亦恐趕辦不及臣即責令該道
廳認真粘補不許草率有悞啟閉俟明年重運過
後再行另估拆修以垂永久臣現即由甲馬營一

帶馳赴戴村壩查勘壩工並將現估大挑土方銀數及煞壩日期再與該道詳細核定另摺具

奏奏入報

聞

乾隆四十八年十一月二十八日兩江總督薩載河道總督李奉翰奏言竊_臣等承准乾隆四十八年十月二十三日

廷寄欽奉

上諭據薩載等奏黃河形勢兇灣刷成新河一摺內稱
郭家堂一帶黃河坐灣溜勢偏趨南岸田家樓埽工
係頂衝迎溜正擬於老灘挑挖引渠引溜直趨現在
興工尚未挑成而河溜日見塌進勢甚迅速當即乘
勢啓放河頭河尾共刷寬一百數十丈全河大溜暢
達所有田家樓埽工現經淤閉等語覽奏忻慰已於摺
內批示矣郭家堂老灘正在挑挖引渠仰邀

河神默佑乘勢塌寬全河大溜忽然取直歸中自係

善機朕心深為嘉悅但閱圖內郭家堂逼近新河該處現有居民房屋向來堤外灘地其距河稍遠之處原准民間居住惟不准私築堤堰致碍水道例禁本明前經降旨命河臣會同地方官妥協經理但恐日久廢弛小民各護田廬仍不免私自圈築竟侵佔河形以致汎水長發時有碍溜勢於河務大有關係除將此摺交軍機處存記俟明春南巡若就近亦可親臨閱看外著傳諭薩載李奉翰蘭第錫何裕城明

興於南北兩河灘地留心實力查辦毋得視為具文
將此諭令知之欽此

臣等跪讀之下仰見我

皇上念切河防諄諄

訓示永期順軌安流之至意伏查堤外灘地距河稍遠
之處雖聽民住居但不准私築堤堰有碍水道誠
如

聖訓例禁本明乾隆四十六年欽奉

諭旨飭查

臣

等曾經通飭查禁并於往來勘工之便留

心察看凡民間住居之所皆在高阜老灘為溜行
不到之處若汎水長發溜勢所經民早遷移是以
近年以來堤外灘地尚無私築圈堰之事郭家堂
地方在平日距河稍遠本有民居今該處挑直成
河民居較近臣等現在飭令道府廳縣隨時查看
相度形勢如河漸塌寬即督令居民遷讓毋許私
築圈堰侵佔河形致碍溜勢此外南北兩岸或有
似此民居距河較近之處臣等惟有凜遵

聖訓留心實力查辦不敢視為具文至該處新河明春

恭逢

聖駕臨幸徐州若就近仰邀

閱視指示

臣

等更知有所遵守惟該處相距徐城較遠

其里數實有若干當即行令道府確查茲據淮徐

道劉錫嘏並徐州府知府錢金殿查明稟覆

臣

等

查新刷引河在徐州以上蕭縣境內北岸名郭家

堂南岸即田家樓埽工若南岸雲龍山起由蘇堤

韓家山一帶至田家樓計程九十五里再由田家樓起至外灘新河頭十四里計程共一百零九里若自雲龍山出徐州北門外渡黃由北岸至李家樓計程九十五里再由李家樓至郭家堂外灘新河頭十六里計程共一百一十一里由郭家堂至柳泉

行宮須由山徑取道荆山橋總路行走計程有一百四十里核計南北兩岸距徐總在百里以外不惟一

日不能往回即做兩日往回程站亦覺稍遠臣等恭繹
諭旨若就近亦可

親臨閱看今郭家堂新河相距徐城既遠明春

聖駕幸徐是否

親往閱視謹繕摺由驛覆

奏並繪圖貼說恭呈

御覽奏入

上諭曰如此可以不必往視又徒勞爾等修葺也屆

期再奏或差一人往視亦可

乾隆四十九年閏三月十八日兩江總督薩載河道總督李奉翰奏言竊照江南河工一應脩防蓄洩機宜仰荷

聖明洞鑒隨時

指示凡關緊要土石工程每逢

翠華南幸

親臨閱視

指示周祥固已金堤鞏固共慶安全茲逢

聖主

屢念河防

六巡江浙廣諮博採以期安益求安

臣

等職司水土自

當仰體

聖心再加籌畫查江南黃河自豫省開放新河以來水
勢建瓴直注上年伏秋大汛異常盛漲溜勢上提

下坐各工在在險危

臣

等往來督率搶護仰賴

聖主洪福幸獲平穩揆厥所由蓋因徐州河面寬止八十餘丈形勢最窄黃河止此一束雖上有毛城鋪蘇家山下有峯山閘等處分洩相距徐州較遠總未能得隨長隨消之力是以徐城上下各工搶護頗費周章查徐州以上南岸舊有天然閘一座原為減洩黃水之路亦由五湖會入洪澤湖出清口歸海緣閘下引河年久淤墊一經開放去路不暢則經過之蕭縣宿州靈壁等州縣民田易致淹浸

故多年未敢輕易啟放而下游引河淤墊較甚所
費煩滋亦未敢遽請興挑臣等愚昧之見黃河伏
秋雨汎水勢大小不一如可容納自毋庸藉此引
河分洩設遇盛漲有此引河實可減其壅盛之勢
且與其倉皇於既漲之後又莫若籌減於未漲之
先是此道引河寧可備而不用庶不致臨時周章
合無仰懇

聖恩將天竺閘下引河一律挑浚深通以備盛漲之年

開放分洩水由引河而下附近民田亦可無虞淹
浸如此多一去路不但徐城可期永保奠安即通
工亦不致有危險之虞至該閘減下之水歸入洪
澤湖所有高堰山盱臨湖石工上屆恭逢

聖駕

南巡欽奉

諭旨加高改建一律修整石工層數已高惟堤外子堰
尾土尚矮只須普律加高培厚則淮揚數州縣民

生更資保障再外河老壩口堤工後有深塘上年

臣等會

奏加帮寬厚以資捍衛欽奉

硃批此非長策明歲至彼爾可提奏面議欽此臣等凜遵

訓諭先行勘籌審度該處後塘寬濶積水過深設法宣

放無可通之路若岸乾積水用土墊平約需銀三

十萬兩未免多費就現在堤工而論底寬十七丈

頂寬十丈至十二丈不等往後逐年酌量加帮足

資抵禦此時似可毋庸改辦惟查外河順黃壩一帶空塘

河神廟後前歲已遵

諭旨用土填平其攔黃壩內塘尚有積水若一併填平則前後聯成一氣更屬萬年鞏固所有三處情形謹繪圖貼說恭摺具

奏如蒙

聖恩

俞允仰懇

皇上

特頒

諭旨以便欽遵估辦所需錢糧並懇就近在于兩淮運

庫

勅撥應用更沐

皇仁於無既矣奏入

上諭曰即有旨諭

乾隆四十九年閏三月二十日河道總督蘭第錫
山東巡撫明興奏言竊查東省運河堤岸自濟寧
以南至黃林莊計長三百四十里從前豫省漫水
下注湖河一片東西兩岸土石閘壩工程多有淹
漫經歷三次伏秋風浪撞擊為時既久坍塌損益多
查微山湖水勢最大之時計深二丈五尺六寸比
常年多至一丈四五尺仰蒙

皇上厯念河防廣籌宣洩分路疏消漫水日漸減落自

上年春間豫省工程堵竣經大學士公阿桂會同

前河

臣

何裕城撫

臣

明興督率運河道等逐加查

勘維時微山湖水仍深一丈八尺三寸計尚有漫
水六七尺未經消退所有兩岸土石堤埝并閘壩
橋洞裏頭等工尚多淹漫水中當經逐節探量就
水勢之淺深定施工之先後除未經漫水及雖漫
而不坍損之處毋庸估計祇令額夫平墊外其漫
損堤埝酌估修復或用土工或加樁埽或于湖坡

著重之處堆砌碎石簰釘排樁至韓莊一帶大石
堤工及各處正閘單閘并橋壩涵洞裏頭等項分
別估修拆修概復舊制約估需銀六十四萬九千
餘兩聲明俟秋令水落再行確核一面將先涸之
三段即行動工臣蘭第錫自去年五月抵任會同
臣明興催辦至秋間水勢大消堤形間段涸露即
經查照原奏摺節覆估共節減銀九萬三千
六百八十餘兩實需銀五十五萬六千八十兩零蒙

聖鑒統計運泐兩廳境工程共分為四十九段派委河
工地方丞倅以下等官及投効各員承修於上年
八月間普律動工臣等飭令運河道沈啟震暨濟
東道楊鍾嶽住工經理並委留工効力之李封陳
淮及廳汛佐雜各員分頭催償並多派委員續辦
一切木石料物源源運工以資接濟臣等互相往
來親加督辦當將稍易工段先行辦完其最難段
落臣復率同該道等上下查催並隨時體察情形

設法添員幫辦兩月以來亦據陸續報竣臣等逐處查驗凡有稍不如式之處均令重加修築務期一律堅實現查修復兩岸官堤共長五萬一千八百十七丈內土堤一萬七千七百十六丈九尺埽工八十六丈大石三千八十二丈四尺碎石坦坡工一萬三千七百二十二丈八尺湖河排椿碎石工二萬九百七十五丈八尺至兩岸民埝本應民間自為修理上年欽奉

恩旨此次概歸官辦計長一萬四千五百六十三丈二尺內土工一萬三千八百一十四丈二尺樁埽碎石等工七百四十九丈又修補大閘二十四座單閘十九座三空橋二座滾水壩二座水口裹頭四十二座洩水涵洞十二座俱於閏三月十一日普律完工所用例價銀兩臣等因工段繁多復於查催之時就其修做情形逐細察看務歸切實其中有原估土石各方較之實在工程其零星尺寸稍

有未符即經隨時更定計又節省銀一萬六千六百三十兩零以重錢糧通計兩岸土石等工共實用銀五十三萬九千四百四十九兩零_臣等伏思東省運道惟濟寧以南地勢本低而昭陽微山兩湖之間河坡各水連為巨浸向係於水中築堤蒞椿堆石以通緯挽在昔年創建鉅工興修不易迺自漫流入運數百里之緯道久被浸淹雖竭力經營漕船尚能行走迨既經洄露水無堤束節節淺

淤運道河工大有關係仰蒙

聖明厘注

特沛恩膏大發帑金又幸漫水疏消迅速得以大施工
作凡有關於蓄洩啟閉機宜者無不復還舊制不
特縴路通連漕行無阻而沿河兩岸從前被水居
民藉資力作口食充裕莫不懽忻鼓舞感戴

皇仁是以數月之內堤岸一新民居復舊

臣等於各工

完竣之後次第驗收均屬整齊堅實其堤身高寬

尺寸亦悉與原估相符從此濟運有資自可長期
鞏固欣幸之餘倍深感激奏入報

聞

乾隆四十九年四月十二日河道總督蘭第錫山
東巡撫明興奏言本月初十日奉

上諭山東運河前因豫省漫水下注湖河一片繹道閘
壩俱被淹浸上年合龍河復後特降諭旨將東省
運河官民堤埝土石各工一律興修通共用銀五十

三萬九千四百餘兩今因例價不敷加用津貼銀五十三萬餘兩據該撫明興奏請分年才廉歸款毋庸按例攤徵等語向來黃運兩河間遇緊要工程採辦物料雇募人夫官發例價本屬優厚即或因料物昂貴限期稍緊一時難以取給于例價之外復有津貼不過加至十分之二三至多亦不過十分之五儘足敷用況運河堤岸工程尤非若豫省之堵築壩工可比加價銀兩何以較正項增至一倍恐其中不無藉端

分潤之弊但朕軫念羣黎如河南江南等省一切河
務關係民生者不惜數千百萬帑金興工修築以期
永資捍衛又何靳此數十萬津貼銀兩致官民竭蹶
耶所有此次東省運河津貼銀五十三萬餘兩若按
例攤徵民力固不免拮据即地方官捐廉歸款亦恐
不肖之吏有所藉口致滋派累竟加恩准其一體作
正開銷以示朕惠愛黎元有加無已之至意即使工員
等果有侵蝕浮開等弊將來別經發覺時必當按律

懲治所謂與其有聚斂之臣寧有盜臣自不肯因恐有弊端轉致恩澤不能下逮也將此通諭知之欽此

臣等跪讀之下不勝感悚竊查東省運河堤工前因河流下注致被淹浸蒙

皇上屢念運道民生大發

帑金無論官民堤埝土石各工俱一律興修祇因工程稍難購料昂貴取土運石遠近不同夫功亦有多用酌加津貼遂至五十三萬餘兩此皆例外加

增為數過多自應本省官民稍効惻忱自行籌辦
是以臣明興奏請分年捐廉歸款毋庸按例攤徵
乃蒙

皇上格外隆施念此項津貼銀兩若按例攤徵民力固
不免拮据即地方官捐廉歸款亦恐不肖之吏轉
滋派累

恩准此項津貼銀五十三萬餘兩俱作正開銷仰見
聖主睿慮周詳防微杜漸

惠養黎元無微不至臣等謹即刊刻謄黃通行曉示俾官民人等咸知

皇仁浩蕩

恩加無已之至意並嚴飭各工員永遠存記此後一切工程不得例外多用到臣等及各工員辦理工程即不能力圖樽節又復安享厚廉夙夜自思寤寐難安伏查用項既已充裕則保固自應加展臣等酌議此次工程内有例應保固三年者請加為六年

例應保固五年者請加為十年限內如有殘缺坍
卸即責令承辦之員自行修補不准再行開銷歲
修錢糧其有事故實在無力者即著落原派之總
催分催各員及臣等名下分別代修以重
帑項以昭平允奏入報

聞

乾隆四十九年六月初七日河東總督蘭第錫山
東巡撫明興奏言竊臣等前於四月初一日恭奉

上諭山東運河堤岸各工前經發帑興修現已一律完
整辦理甚為妥速蘭第錫何裕城明興俱著交部議
叙其道府以下各官著蘭第錫明興查明實在奮
勉出力者交部從優議叙其次出力者交部議叙其
餘隨同在工未經出力者亦不必濫行叙入至効力
各員或留河工委用或留地方差遣並著蘭第錫明
興分別查明酌議具奏欽此

臣

等跪讀之下感激悚惶伏

查此次東省運河工程因段落綿長期限緊迫其

在工承修及僱工辦料各員派用人數未免過多
必須詳加查察就其出力之等差以定列名之先
後臣等凜遵

諭旨公同查議計總催司道三員分催知府同知等官
八員辦料官三員辦工優等官二十二員內除布
政使陸耀甫經開工即赴新任不敢仰邀議叙又
原任布政使今授知府李封原任按察使今授知
府陳淮均已蒙

恩簡用及現已降調通判之原任知府王祿朋均無庸復予議叙外其餘道府以下沈啟震等三十一員均屬辦理妥速奮勉出力應請

旨交部從優議叙又承辦工程應列為次等之濟寧州知州王道亨等三十一員及委催工料出力之候補布政司經歷馮津等十員均請交部議叙此外辦工黽勉及需員幫辦始能完竣者計十三員并隨辦工程及協催工料之佐雜官二十八員雖均於

要工無悞然僅隨同辦事應同新投効之四十員
均無庸概請議叙以致稍有冒濫再查上年投効
各員捐資辦工均已一律妥竣其應歸於河工地
方之處臣等就其才具分別酌議如捐復知府李
濤等二員業於

行在引

見奉

旨仍留東省補用又捐復直隸州知州許承蒼一員應

俟引

見後請亦留地方差遣又候選知州許紹錦等七員均
應留于地方計應留地方之府州縣佐雜等官共
十員至原任同知魏逢堯本係河員出身其承辦
工程早經完竣應俟捐復後仍請留於河工委用
又候選同知何元度等二十九員均請留於河工
其應留河工之丞倅佐雜等官共三十員以上各員臣
等往來工次留心體察隨時分晰登註今復遵奉

恩旨詳加察核往返札商意見相同謹將辦工人員出力等第及應留河工地方之投効各員查明酌議具奏並分繕清單恭呈

御覽奏入

上諭部議之

乾隆四十九年七月初六日吏部奏言議得內閣抄出署理河東河道總督蘭第錫等奏稱竊臣等凜遵

諭旨公同查議謹將辦工人員出力等第及應留河工
地方之投効各員查明酌議具

奏並分繕清單恭呈

御覽於乾隆四十九年五月二十五日奉

硃批該部議奏欽此欽遵抄出到部除山東布政使陸
燿四川寧遠府知府李封山東青州府知府陳淮
兗州府降調知府王祿朋淄川縣叅革知縣孫功
烈該督等既稱不敢仰邀議叙應毋庸議至河東

河道總督蘭第錫山東巡撫明興

臣

部業經准其

加一級在案毋庸再行辦理外應將總催工程之
運河道沈啟震濟東道楊鍾嶽等二員分催工程
之東昌府知府興安等五員辦料官武定府同知藍
嘉瓚等二員承辦工程列為優等之濟南府同知
繆暉吉等二十二員應請照例從優各准其加一
級承辦工程列為次等之濟寧州知州王道亨等
三十員委催工料出力之候補布政司經歷馮津

等十員應照例各准其紀錄二次投効辦工請留
地方差遣之捐復知府李濤知縣郭德平業經引
見奉

旨准其捐復原官仍留該省補用辦工已竣之捐復直
隸州知州許承蒼業經捐復尚未引

見應俟引

見後准其留於山東地方委用投効辦工請留河工委
用之原任同知魏逢堯應俟該員捐復引

見後准其留於河東河工委用候選知州許紹錦等七員俱准其留於山東地方差遣委用候選同知何元度等二十九員俱准其留於河東河工委遣委用仍令該督撫詳加察看如果始終奮勉出力遇有相當缺出分別題咨補用再查各省差委需員奏請揀發例由臣部帶領引

見發往向來河道總督奏請將候補候選正佐雜職等官留工差委者臣部俱議令該督給咨送部引

見今試用知州許紹錦等投効河工未經引

見應行令該督等分別給咨送部引

見恭候

欽定奏入

諭依議行

乾隆四十九年十二月初一日兩江總督薩載奏
言竊照江南揚州至金山向由運口入江該處江
面較寬且迴瀾一帶係屬大溜往來對渡未免涉

險應將瓜洲城內外舊有河道挑浚深通由此渡
江至金山江面僅止三里較為便捷又自鎮江至
龍潭棲霞一帶向係經由陸路若從長江行走必
須經由黃天蕩舟行不便應自錢家港起挑河一
道直達棲霞一水可通又金壇境內漕河淤淺亦
應挑浚此三處河道經臣與撫臣閔鶚元於乾隆
四十七年九月初十日繕摺繪圖具

奏聲明請動金壇于時和入官銀五萬七千餘兩辦

理不敷之銀再行籌撥等因奉到

硃批知道了欽此旋接

廷寄內開乾隆四十七年十二月初八日奉

上諭昨福長安到京奏及伊過江南據薩載告稱江南
運河入江口門距金山行宮較遠今查有舊河身一
道若加挑濬止有三里經過更覺便捷且可避中泓
溜勢之險而於商賈舟楫往來亦為利便又往棲霞
向係經由陸路不免捨舟登岸今亦擬挑河一道直

達棲霞一水可通以省往返跋涉之勞等語並將圖說呈覽此議可行俱應亟為者著傳諭薩載閔鶚元即將此二處於明春迅速興工挑濬先動張鸞玉案留江銀兩應用但念四十九年南巡粘補行宮等費未免不敷現已傳諭富勒渾等於賞給浙省辦差多餘銀兩內撥解江南二十萬兩薩載等自能仰體朕意妥協辦理也將此由四百里諭令知之欽此查前項河道

臣

與撫

臣

閔鶚元督同總局司道並調到河

工熟諸估計之員往來查勘逐細確估派員分段
承挑瓜洲金壇兩處河道尚易辦理惟自錢家港
至龍潭棲霞一帶河道綿長南岸臨山北岸通江
山水江潮互相灌注兩岸即以挑河之土築做緯
堤並酌開汊河以資蓄洩臣等隨時察看指示工
員妥辦於四十八年四月內工竣驗收後開壩通
流聽民舟楫往來試驗因原估口底逢灣處尚覺
稍窄緯堤亦覺卑矮又經

奏明於上年霜降水落潮平後復行築壩展挑寬深
加倍緯道並酌添橋座增修駁岸涵洞於今春一
律完工恭值

聖駕南巡

御舟經臨仰蒙

皇上沿途閱視奉

聖諭以此河於商民往來稱便

欽定該河之名為便民港遵即勒碑表豎現在江水通

流隨潮長落大小舟楫多由此河行走以避長江
黃天蕩之險而渡江船隻悉走瓜洲城河江面甚
近商民莫不感頌

皇恩永慶安恬核計開挑便民港河道並分築兩岸緯
路建設橋座涵洞原估續估共用銀一十二萬九
千三百三十七兩一分四釐挖撥民田拆遷房屋
照例給價共用銀一萬六百九十四兩九錢五分
四釐又開挑瓜洲城河築壩並修建木石橋座水

關共用銀一萬八千六兩二錢三分三釐又挑浚
金壇漕河用銀三千八百二十一兩一錢七分七
釐以上三處河道統共用銀一十六萬一千八百
五十九兩三錢七分八釐除金壇漕河動用銀兩
另行造冊咨部報銷外所有開挑便民港并瓜洲
城河因差務案內開挑遵

旨動用

恩賞各款銀內辦理除分晰造冊咨送軍機處核銷外

臣


謹會同江蘇撫

臣

閔鶚元繕摺具

奏奏入報

聞



欽定南巡盛典卷五十

欽定四庫全書

史部

欽定南巡盛典卷五十一

詳校官編修臣繆晉

欽定四庫全書

欽定南巡盛典卷五十一目錄

河防

十七

欽定四庫全書


卷五十一目錄

欽定四庫全書

欽定南巡盛典卷五十一

河防

江
局
口
圖




河運


河所

沂河上承臨朐沂諸山河之水兼有汶沭洸及柳青等河合流下注每遇水發瀰漫坡田乾隆十三年大學士高斌修築西岸長堤並於江風口建砌滾水石壩分消異漲經歷十年石壩刷坍其壩口洩入武河之支河多有淤墊二十三年

欽差臣裘曰修河臣張師載撫臣阿爾泰勘修石壩長一百八十丈挑挖壩外之武河臨泥燕子芙蓉等河沂水分流有制蘭郟二邑水有去路漲不為患

伊
爾
河
圖





微山湖居東省下游衆水滙聚湖之尾閭一由韓莊湖口閘入運一由茶城小梁山一帶會荆山橋河以達江南運河自黃河北岸石林口漫溢之後茶城一河漸淤乾隆二十一年間孫家集全黃灌注而小梁山之河復淤僅有湖口閘宣洩去路甚微黃水漫流入湖歷經歲餘湖不能容遂與運河連為一片積聚難消究屬瀕湖村莊及江南銅沛二縣地畝悉被淹浸我

皇上軫念民生堵築孫家集挑挖小梁山至荆山橋河
緣湖水浩大三月之間僅消尺餘二十二年撫臣
鶴年查韓莊迤南舊有伊家河形可以開通洩水
奏准查辦復經鶴年會同


欽差臣裘曰修夢麟河臣張師載勘度河頭通湖處高
於梁旺城河尾入運處一丈九尺四寸實為微湖
宣洩扼要之區計挑河長一萬二千五百五十三
丈因第七段河身之下有山根大石阻遏水道又

開通月河長一百三十五丈河頭係利國驛路所
經建築滾水石壩一座金門寬十一丈並建石橋
以通驛路此河與荆山湖口三路分流失騰無滯
其所出湖水直注韓莊八閘之外逶迤而下濟金
魚銅沛等州縣被淹村莊漸次消涸永除水患此
河於二十二年開挖兼有侯孟龍王二泉自西而
東橫穿入河每遇伏秋汛漲停積沙泥年久愈多
兼之四十六年黃河北岸曲家樓漫溢東注湖河

浩瀚未能迅速疏消四十七年

欽差直督臣袁守侗河臣何裕城撫臣明與會奏普加
挑挖中段長七千二百四十五丈及河內萬年花
山二石橋因橋空窄小橋底高仰有礙宣洩一併
拆改落低以資疏消暢利

吾年壯志西
域
圖



河運

徽山



徽山湖


嶧縣韓莊滾水壩舊係石堤乾隆二十一年微湖水漲亟籌疏洩江南總督尹繼善奏請添建閘座尚未興工二十三年奉

諭微湖積水已消閘座雖不必添建或酌量運河蓄水尺寸將閘口迤上之堤留為滾水壩經督臣尹繼善河臣張師載撫臣阿爾泰勘明即於湖口閘迤北六丈之上奏建滾水石壩金門寬三十丈壩脊照湖口閘金門水深一丈二尺五寸水大則漫壩宣

洩水小則收蓄濟運二十三年河臣張師載撫臣
阿爾泰因上源濟寧魚臺尚有未盡全涸之地奏
請落低以湖口閘水深一丈為度三十年河臣李
清時撫臣崔應階江南河臣李宏議覆漕臣楊錫
紱奏將滾壩磯心每孔添砌槽石設板啟閉如水
小之年加板攔束多收一尺設遇陰雨連綿水勢
日增將板起除暢洩洵于漕運民田均資利賴四
十六年儀工漫水東注風浪擊撞韓莊湖口一帶

壩堤俱致坍塌四十八年將堤岸閘壩一律修理
整齊以時啟閉

辛
壯
隱
韞
圖



蜀山湖

河運


壩水溪橋庄辛


湖陽昭

魚臺縣西堤辛莊橋北舊有水口二處每年秋水盛漲由此分洩入昭陽湖以達微山湖春間堵閉以濟運行緣歷年口門過水日漸刷深運河既難節制微湖受水過多乾隆二十七年河臣張師載撫臣阿爾泰奏堵水口另建滾水石壩寬二十丈壩脊高運河底六丈如水汎浩大聽其滾洩入湖六尺以內留以濟運節宣有制無慮旁流可省每年築壩拆壩之費並免湖水過大之患四十六年

儀工漫水下注湖河一片此處壩岸亦被冲塌四
十八年修理復還舊制工程鞏固魚臺以西湖河
悉已平治舟行無阻居民亦保永寧矣

南陽縣志圖





乾隆二十三年河臣張師載撫臣阿爾泰興築南陽緯道以利運道至三十二年因橋木經歷年久漚泡朽折石無橋管土隨石卸河臣李清時奏將殘缺過甚各段補修四千餘丈嗣又續有塌卸均經隨時估修以資利涉又運河之西有牛頭河一道上承宋家窪及各州縣坡水下達昭陽湖湖中舊有馬公橋一座係魚臺縣驛路所經計長五百一十八丈下設橋洞統計僅寬二十三丈牛頭河

入湖之水當來源極盛時因橋洞收束往往壅滯
不消三十七年河臣姚立德撫臣徐績奏多添橋
洞加寬十丈並將湖河淤淺之處抽溝導引俾上
游之水捷趨昭陽湖而濟寧西坡一帶已除水患
四十六年儀封曲家樓漫水下注自濟寧在城閘
下直至沛汎交界水勢汪洋湖河一片兩岸土石
閘壩等工盡皆淹沒四十八年春間漫流疏消經
大學士公阿桂河臣何裕城撫臣明興奏復還舊

制次第興修其湖面水深之處除原有碎石段落
外擇其最要或加排樁或添碎石坦坡河面埽灣
迎溜之處用樁石攔護足資抵禦而緯道橋梁閘
壩等工亦已一律完固矣

舊唐書
神河圖

河運

昭陽湖



徽山

徽山湖



白垩家口



沛縣



茶城

南陽湖

舊運河

牛頭河

涿河

柳林河




穀亭鎮


魚臺縣舊運河係明時運道自濟寧耐牢坡由牛頭河至穀亭鎮出徐州鎮口閘屢受黃淤且經呂梁洪之險明臣朱衡開新河改南陽至夏鎮道出昭陽湖之東又被黃淤明臣李化龍復取東西二泇水為源開河至江南皂河名曰泇河而舊運河遂廢現在河形尚存且通舟楫界於微山湖之西南上接金鄉之涑河柳林河由沛縣安冢口至銅山縣之茶城與荆山橋河相通乾隆二十二年河

臣張師載撫臣蔣洲會同

欽差臣裘曰修夢麟奏疏此河并濟牛頭河涑河柳林
河在上游言之則濟寧金鄉以下匯注之水皆有
去路而水患可除在下游言之則直接現在之茶
城河而脈絡貫通

泗河白馬河牆壩圖





泗河發源於泗水縣之陪尾山會合諸泉由魯橋入運名為魯橋派至兗州府城東向有金口石壩過泗水由黑風口涵洞穿入府城會府河之水至濟寧州之楊家壩一出天井入運名為天井派一會洸水入馬場湖儲蓄因涵洞淤在河底來源既已壅滯楊家壩用土堵築去路亦復隔斷每歲俱有暴漲之虞乾隆二十二年河臣張師載撫臣蔣洲會同


欽差臣裘曰修夢麟奏將黑風口涵洞改建減水閘楊
家壩亦改建石閘用板啟閉上下流通節宣有制
又泗水下流董家口於十四年修建石壩減洩漲
漫之水由孟家橋達蜀山湖旁分一股由貫家灣
之西出興隆橋仍會泗水入運因壩身過高每遇
水漲即溢入濟境東坡三十七年河臣姚立德撫
臣徐績以今昔情形不同泗水南趨轉為石壩所
累拆除董家口石壩展寬孟家橋疏濬馬坡以下


入湖尾閘俾水大之時直達蜀山湖免致旁溢東坡春間水小即于孟家橋以下築一土壩攔截仍由興隆橋濟運從此泗水歸宿有路濟寧東坡一帶亦不致有漫溢之患二十三年于新店月河內新開月河內仲淺月河內魯橋擺渡口修建涵洞四座新店閘下四里灣修建單閘一座于秋汛過後測量坡高于河即挨次起放以資疏消四十六年儀封曲家樓漫水下注汪洋一片兩岸土石閘

壩等工盡皆淹沒單閘涵洞漫泡兩年全行坍塌
于四十八年照舊拆修惟新店閘上之上四里灣
並無單閘涵洞緣坐當窪區宣洩甚暢歷年鄉民
呈請于此處開挖堤口以洩積水屢開屢築殊費
民力是以添建單閘一座以期坡水速消民田有
裨其兩岸堤工亦俱次第興修復還舊制惟坡面
水勢寬深迎風受險之處添砌碎石坦陂以資抵

禦

禹王臺神緒壩圖





山東郯城縣城北禹王臺傳為大禹遺跡既鑿馬陵山以導沭水復築臺以遏其衝俾由江南沭陽海州注海不使會合蒙沂諸水入駱馬湖以為民患故俗諺有沂沭不相見見面成一片之語明季時郅令毀臺取石修城沭水遂無所禦康熙二十八年

聖祖仁皇帝命河臣王新命建竹絡石壩約攔水勢該工雖隸屬山東而實關繫江南之利病嗣是南省下

游數十年得以莫安又經河臣陳鵬年齊蘇勒先
後增設堤堰雍正八年山水驟發舊堰年久多被
衝潰水勢下注越運漫黃下游皆成巨浸河臣稱
曾筠奏建竹絡壩工長六百餘丈補修堰工三百
五十丈下接郊宿沐河民堰以資捍衛河臣高斌
於乾隆元年以壩工坐當迎溜處所地勢尚有卑
窪恐難資捍禦奏加修裏戩石工以為未雨綢繆
之計每歲於汛水將發之前即派撥南河目兵前

往往宿防守按期探報水勢小心防衛

屯城鋪圖

南

西

沈公堤



河南省界

楊家堤

會莊堤

積家堤

榮家堤

莊家堤


黃河

山東交界

王家堂

北

東



毛城鋪減水壩於康熙十七年河臣靳輔所建蓋因江南兩堤窄狹非若河東之寬廣以致水勢湍激難免衝突是以於碭山縣黃河南岸之毛城鋪創建減水石壩宣洩異漲以護徐城一帶堤工其所減之水由洪溝河至睢溪口歷揚疇土山孟山陵子崔家等五湖澄清而至洪澤湖匯出清口以助清刷黃紓患而兼收其利法誠善也迨後黃流衝刷多成支河減水過盛下游永蕭諸邑屢被偏

災上厯


宸衷河臣高斌奏將壩外迎溜支河七道俱經築壩堵
塞挽流歸正復於毛城鋪口門內填築碎石以防
衝深又於壩外圈築土壩依時啟閉使黃水不致
減洩過多其壩下之洪溝河及睢河之灰谷堆燕
子口等處向患淺阻者俱經疏治通暢下達五湖
藉以容蓄由安河入洪澤湖又將安河上游分流
之謝家溝挑通下達汴河亦歸洪湖其間紆徐曲

折六百餘里均無阻滯之虞又於乾隆十一年以
徐城水誌長至七尺為度始行啟放毛城鋪口門
至九月初一日即便堵閉蓋毛城鋪為河南第一
蓄洩關鍵今得節宣有制蓄洩適宜而近河諸邑
民登衽席皆我

皇上洞悉機宜指示方畧俾得遵循辦理惟查黃河大
溜挾沙而行其上提下坐之勢變遷不定所有分
洩引河必相度情形於漫灘無溜倒勾處所方可

引放若引河口門稍有迎溜之形即應堵閉另挑
倒勾引河以資宣洩惟在因時度勢酌量辦理以
期悉協機宜

蜀山南旺馬踏二湖圖



蜀山等三湖均稱水櫃其在分水口以南者曰蜀
山湖週圍六十五里在分水口以北者曰馬踏湖
週圍三十四里每秋冬間由永定永安永泰三斗
門及徐建李家二單閘專收汶水至次年漕船盛
行則由利運金線及新河頭洪仁橋各單閘次第
宣洩分濟南北運河至南旺湖週圍九十三里在
運河西岸適當分水口之衝伏秋汶水異漲于蜀
山馬踏二湖未經收水之時先將渾濁之水由關

家大閘及盛進常鳴等七斗門掣入湖中使之洩
漲保堤並減運河淤墊向稱囊沙不能出水濟運
乾隆二十五年在寺前閘下建設涵洞二座宣洩
濟運甚有裨益四十八年因上涵洞一座樁朽根
空牆石皴裂俱皆蟄陷徹底拆修改建單閘閘底
落低二尺牆石加高二層宣洩暢利三十五年在
寺前閘上土地廟前添建石閘一座安置閘板相
機啟閉亦資濟運蜀山湖永定永安永泰三斗門


均僅寬一丈收水未足三十二年將永定斗門展寬一丈八尺于四十三年大學士高晉河臣姚立德奏將永安永泰二斗門改建二空橋落低七寸收水甚暢復將引渠展寬培築圍堤並添建臨湖斗門遇伏秋收水先將臨湖斗門閉板攔水停淤俟水勢澄清即啟板洩入湖內不惟湖水充裕更免湖心淤墊又蜀山湖臨運一帶堤工單薄受險四十年河臣姚立德分別修砌石工並碎石坦坡


各加高頂土二尺以資捍衛

欽定四庫全書

卷五十一

阿家壩圖







汶上縣何家壩坐落汶河西岸建自前明為洩水
北行入運之路乾隆十八年移于舊壩以下另建
滾水石壩長二十丈高一丈緣汶河分水口南多
北少雖將南壩接長北壩收短而何家壩壩身過
高北流不暢二十五年河臣張師載奏落低二尺
並濬壩下石頭口入運支河俾汶水北流不致偏
少並節南流過多之勢查此壩原修兩頭均係草
廂畏頭兼之壩身僅止單石一層跌水迎水又皆

短窄三十八年伏秋大汎汶水漲發溜勢汹涌致
將草裹頭冲塌壩身迎水跌水亦俱冲掀損壞全
汶北趨幾致奪溜河臣姚立德奏明壩身全行拆
修加添面石一層迎水跌水改修寬長兩頭改建
石裹頭接修雁翅俾汶水分洩舒緩以保穩固因
壩高河底五尺餘寸每逢漲水浩瀚分洩未暢四
十七年河臣韓鐸將中間十丈落低一尺遇汶水
長發由此分洩甚屬暢利

八里廟橋壩圖







東阿縣運河兩岸東高西下西岸沙趙二河水發
橫衝入運勢甚汹涌東岸舊有之三空五空橋及
減水各閘皆高運河水不能消不特漕運維艱附
近州縣並虞汎溢撫臣鶴年曾于八里廟運河東
岸創堤洩水由大清河歸海漲消有效乾隆二十
二年直隸督臣方觀承會同撫臣鶴年勘即此處
建滾水石壩一座面寬十二丈底高運河八尺嗣
奉

諭落低壩脊高于運河底七尺二十七年河臣張師載
並將五空橋照此尺寸落低沙趙河水由此減洩
均有限制三十一年伏秋汛內因汶河及沙趙二
河之水同時並漲致將平水三閘並五空橋座均
多掀塌河臣李清時奏照舊修整以資分導之利
並收濟運之益

欽定四庫全書

卷五十一






衛河發源於豫省蘇門山之百門泉合丹淇湯洹漳汶之水北達天津海口昔年清濁二漳在直隸境內原有支河由威縣寧津分洩迨直隸沙莊築壩攔截分流之路全漳歸衛每遇伏秋雨水盛行各河並注常至陡長丈餘渾流湍急無異黃河乾隆二十二年山東州縣多有冲溢之區直隸下游並有漲漫之患撫臣蔣洲奏加修兩岸民埝仰蒙皇上痼瘼在抱寓賑於工堤埝藉得高厚可收捍衛之

益二十五年于板閘之下建做挑水壩順溜外挑
助汶敵衛每年廂修以免直灌今衛河又向西北
坐灣並不直注自閘口至衛河河崖新長淤灘甚
長且高汶水出閘六十丈始與衛河合流現在淤
灘較寬衛河河底亦漸淤高汶水不克建瓴冲刷
而雞嘴壩亦因變遷不能挑溜得力祇可護崖保
閘四十八年河臣蘭第錫奏於汶河兩崖對做箱
口草壩中留三丈金門隨時量置挨牌不使衛水

散漫倒漾汶水亦廂東下注攻衛刷沙藉免水患



欽定南巡盛典卷五十一